



partii naleraq

UPA 2016/042-01

26.04.2016

Sanaartugassanut aningaasaliissutissani 2017-mi 2018-milu Aasianni Kulturikkut illorsualiassamut katillugu 15 mio.kr.-nik nunatta karsia aningaasaleeqataasinnaanersoq misissoqqullugu Naalackersuisut peqquneqarnissaanik inatsisartut aaliangiiffigisassaattut siunnersuut.

(Inatsisartunut ilaasortaq Peter Olsen, Inuit Ataqatigiit)

Inatsisartunut ilaasortap Peter Olsenip, Inuit Ataqatigiinneersup siunnersuutaa, tassa Sanaartugassanut aningaasaliissutissani 2017-mi 2018-milu Aasianni Kulturikkut illorsualiassamut katillugu 15 mio.kr.-nik nunatta karsia aningaasaleeqataasinnaanersoq misissoqqullugu Naalackersuisut peqquneqarnissaannut tunngasoq Partii Naleqqamiit imannak oqaaseqarfigissuarput.

Kulturikkut sunngiffimmilu innuttaasut tamarmik pitsaasunik periarfissaqatinneqarnissaat aamma nunaqarfinni pingaartipparput. Soorunami kommunit taakkuninnga tulleriarinerat aamma aningaasatigut qanoq periarfissaqarnerat apeqqutaaqataalluinnarput.

Uani siunnersuummi, siunnersuuteqartup oqaatigaa, Qaasuitsup Kommuneata 2014-mi kulturikkut illorsuassap titartarneqarnissaanut aningaasaliissutissat 200.000.kr 2015-mi aningaasaliissutigissallugit akuersissutigisimagai.

Aamma naluneqanngilaq Aasianni kulturikkut sunngiffimmilu sammisassaqtitsinermut atatillugu inuit imaannaatsut arlallit nunatsinni kulturikkut sunniuteqarluarsimasut arlaqatut, minnerunngitsumillu aamma ukiuni kingullerni nipilersornerup tungaatigut nunatsinnut ajunngitsumik sunniuteqarluartumillu inuusuttorpassuarnik katersuutitsinernijk aaqqissuisarnerit takutippaat, ilumut sumiiffimmi pineqartumi aamma kulturikkut illorsuaqarnissamik pisariaqartitsisoqartoq.

Naalakkersuisut akissuteqaamminni oqaatigingaluarpaat, sanaartugassat kultur-imu tunngasut kommunit isumagisassaringaat, kisianni nalunngilarput timersortarfiit allallu sanaartugassat kultur-imut attuumassuteqartut Namminersorlutik Oqartussanit aningaasaliiffigineqartareersut.

Siunnersuut qularnanngitsumik inuusuttorpassuarnut iluaquseeqataasussoq taperserparput ataatsimiititaliamilu susassaqarfiusumi aappassanneeraneqannginnerani suliarineqarnissaa inassutingalugu.